

উত্তরপাড়া পুরসভার

সহযোগিতায় বনমহোৎসব পালন

বনস্পতি দে উত্তরপাড়া, হুগলী, ১২
আগষ্টঃ উত্তরপাড়ায় রবিবার সকালে
বনমহোৎসব পালিত হয়। এছাড়া
পরিবেশ দূষণ আটকাতে প্লাস্টিক
প্যাকেট বর্জন করে জুটের ব্যাগ ও
একহাজার চারাগাছ সাধারণ
মানুষদেরকে দেওয়া হয়। এদিন
উত্তরপাড়া পুরসভার ২২ নং ওয়ার্ডে
মাখলা মানিকতলায় অখিল ভারতীয়
ক্ষত্রিয়সমাজ গঙ্গা মিশনের উদ্যোগে
ও উত্তরপাড়া পুরসভার সহযোগিতায়
এই অনুষ্ঠান হয়। উপস্থিত ছিলেন
উত্তরপাড়ার পুরচেয়ারম্যান দিলীপ
যাদব, এলাকার বিধায়ক প্রবীর
ঘোষাল গঙ্গা মিশনের কর্ণধার পল্লব
গোয়েঙ্কা, বিশিষ্ট সমাজসেবী মানিক
সিংহ, অখিল ভারতীয়
ক্ষত্রিয়সমাজের পক্ষে ডঃ অর্জুন
প্রসাদ, চন্দ্রিকা সিং ও জয়প্রকাশ সিং

এবং সম্পাদক প্রকাশ সিং।
মানিকতলার নৈশরক্ষীবাহিনীর যুগ্ম
সম্পাদক হৃষীকেশ চ্যাটার্জী, ইন্দ্রজিৎ
কুণ্ডু, বেশকিছু কাউন্সিলার ও
বিশিষ্টরা। প্রথমে অতিথিদের বরণ করা
হয়। বক্তব্য রাখতে গিয়ে উত্তরপাড়া
পুরসভার দিলীপ যাদব বলেন অখিল
ভারতীয় ক্ষত্রিয়সমাজ ও গঙ্গা মিশন
সমাজের অনেক দায়িত্ব পালন করেন।
তারা প্রত্যেক বছর চারহাজার চারাগাছ
দেয়। শহর পরিষ্কারের জন্য জঞ্জালের
পাত্র দেয়। তাদেরকে ধন্যবাদ ও
কৃতজ্ঞতা জানায়। তারা দৃষ্টিহীন
ছেলেমেয়েদের জন্য অনেক সাহায্য
করে ও দুঃস্থদের পাশে থাকেন। তারা
পরিবেশ দূষণ ঠেকাতে এগিয়ে
এসেছেন। গঙ্গা বাচাতে সাহায্য
করছেন। শহর পরিষ্কারের জন্য
পুরসভার পক্ষ থেকে পুরস্কার দেওয়া

হবে বলেও তিনি জানান। গঙ্গা
মিশনের পক্ষে পল্লব গোয়েঙ্কা বলেন
গঙ্গা আমাদের মা গঙ্গা দূষণ
আটকাতেই হবে। গঙ্গার জলে সব
শুদ্ধ হয়। আমরা প্রত্যেক স্কুলকে পাঁচটা
করে জলের ফিল্টার দিচ্ছি। আগামী
পাঁচ বছরে জেলার সব স্কুলকেই
দেবো। গঙ্গা দূষণ করবেন না নোংরা
ফেলবেন না। অখিল ভারতীয়
ক্ষত্রিয়সমাজের পক্ষে জয়প্রকাশ সিং
বলেন সমাজের জন্য পরিবেশকে
ভালো রাখতে হবে। তার জন্য গাছ
লাগানো খুবই প্রয়োজনীয়। পুকুরে মাছ
ছাড়তে হবে। ডাস্টবিন ব্যবহার করণ।
গঙ্গা দূষণের বিরুদ্ধে অনেক কাজ
হচ্ছে। মানুষ কিভাবে বাঁচবে সেদিকে
লক্ষ রেখে গাছ লাগান, পশুপাখিদের
বাঁচান, শহর পরিষ্কার রাখুন
প্লাস্টিক বর্জন করণ।